

Unnuinerit nalunaarsukkat malunnaatilimmik 2006-mi amerleriartut

Unnuinerit amerleriartut..

2006-mi unnuinerit nalunaarsorneqarsimasut 245.432-usimapput ukiup siuliani 215.916-usimasut. Tassa unnuinerit 29.516-inik qaffariarsimapput, qaffariaat 13,7 pct.-iulluni. Piffinni ataasiakkaani unnuisarnerit nalunaarsorneqarsimasut tamaalillutik ukiunut kingullernut arlalinnut naleqqiullugit qaffasinnerpaaffimminiilerput.


...unnuisartut aamma
amerleriartut

2006-imi unnuisartut 81.863-iusimapput ukiup siuliani 78.551-iusimasut. Tassa unnuisartut 3.312-nik qaffariarsimapput, qaffariaat 4,2 pct.-iulluni. Aammattaaq unnuisartut nalunaarsorneqarsimasut unnuisarnerat sivitsoriarsimavoq. Agguaqatigiissillugu unnuisarnerit inummut ataatsimut amerlassusaat ullunut 3,0-inut 2006-mi amerleriarsimapput, ukiup siuliani ullut 2,7-iusimagamik.

Tamanna saqqummersitami **"Akunnittarfinni unnuinermi kisitsisitigut paasissutisat 2006"** Naatsorsueqqissaartarfiup nittartakkamini www.statgreen.gl -mi saqqummersiqqammigaani takuneqarsinnaavoq.

Titartagaq 1.

Unnuisarnerit nalunaarsorneqarsimasut nunanut agguataarneri, 2004-2006



Qallunaat unnuisartut amerleriangaatsiartut. Unnuisarnerit qaffariangaatsiarnerannut peqqutaagataavoq qallunaat unnuisartut amerleriarsimammata. 2006-imi qallunaat unnuisarneri 101.387-it nalunaarsorneqarsimapput, ukiup siuliani 67.876-iusimallutik. Unnuisarnerit kisitsisinngorlugit 33.511-inik amerleriarsimapput, qaffariaat 49,4 pct.-iulluni. Unnuisarnerni qaffariarneq nunap immikkoortuata qeqqani annerpaasimavoq.

Najugaqavissut
unnuisarnerat
annikilleriarpoq

Nunatsinni najugallit unnuisartut unnuisarnerisalu amerlassusaat annikilleriarpoq. Taa-maalilluni 2006-mi unnuisartut 37.740-iusimapput ukiup siuliani 39.750-iusimallutik, appariaat 5,1 pct.-iulluni.

Pdf-fiilinngorlugu Saqqummersitaq **"Akunnittarfinni unnuinermi kisitsisitigut paasissutissat 2006"** pdf-fiilinngorlugu Naatsorsueqqissaartarfiup nittartagaani www.statgreen.gl-mi aaneqarsinnaavoq imaluunniit Naatsorsueqqissaartarfimmut piniarneqarsinnaavoq.

*E-mailikkut
pisartagaqalerit* Kisitsisinik nutaanik Naatsorsueqqissaartarfiup saqqummersitaanik tusartinneqartarumaguit uannga nutaarsiassaqaartinneqartalerit: iserfigiuk www.statgreen.gl. qinigassani saamerlermi toqqaruk "nutaarsiassat" tassanilu ilanngugit. Taava kisitsisinik nutaanik saqqummertoqaraangat e-mailikkut nalunaarfigineqartalissaatit.

Paasisaqarusunneruguit siunnersortimut Najaaraq Kreutzmann-imut e-mail nakr@gh.gl imaluunniit tlf. 34 55 73-mut saaffiginissinnaavutit.

Inussiarnersumik inuulluaqqusillunga

Najaaraq Kreutzmann
Naatsorsueqqissaarnermut siunnersorti